

JAMHUIRIYADDA
SOMALILAND



REPUBLIC OF
SOMALILAND

XAFIISKA GARYAQANKA GUUD EE QARANKA
SOLICITOR GENERAL OFFICE

FAAFINTA RASMIIGA AH OFFICIAL GAZETTE

النّشرة الرّسمية لجمهوريّة صوماليلاند

Sannadka 5aad

Cadad Gaar ah

22/06/2016

WAX-KA-BEDELKA IYO KAABISTA XEERKA
DIIWAANGELINTA CODBIXIYAYAASHA
XEER LR. 37/2007

Email: garyaqaankaguud@gmail.com
Web. www.garyaqaankaguud.com

Lama iibin karo
Not for sale

Sannadka 2016

REPUBLIC OF SOMALILAND

THE PRESIDENT

JSL/M/WM/249-4003/052016

DATE 20/05/16



XEER MADAXWEYNE Lr:0633/052016

Dhaqan-galka Wax-ka-beddelka iyo Kaabista Xeerka

Diiwaangelinta Codbixiyayaasha

Lifaaqa Koowaad

Xeer Lr. 37/2007

Madaxweynaha Jamhuuriyadda Somaliland

- Markuu Arkay: Qodobka 90aad ee Dastuurka Jamhuuriyadda Somaliland;
- Markuu Arkay: Qodobka 75aad ee Dastuurka Jamhuuriyadda Somaliland;
- Markuu Arkay: Go'aanka Golaha Wakilada JSL, Go'aan Lr. GW/G/KF-30/695/2016 ee ku taariikheysan 02/05/2015 ee ay ku ansixiyeen Wax-ka-beddelka iyo Kaabista Xeerka Diiwaangelinta Codbixiyayaasha, lifaaqa Kowaad, Xeer Lr.37/2007.

Wuxuu Soo Saaray

Xeerkana oo lagu baahinayo Dhaqan-galka Wax-ka beddelka iyo Kaabista Xeerka Diiwaangelinta Codbixiyayaasha, lifaaqa Kowaad, Xeer Lr.37/2007.

Allaa Mahad Leh,

Axmed Maxamed Silanyo

Madaxweynaha Jamhuuriyadda Somaliland



The Republic of Somaliland
House of Representatives
Head Quarter Hargeisa.

Ref Cw/C/KE-30/695/2016



Jamhuuriyadda Somaliland
Golaha wakillada
Xarunta Hargeisa

Date: 30/04/2016

Go'aanka Ansixinta Soo jeedinta Wax-ka-Bedelka iyo Kaabista

Keerka Diwaan Galinta Codbixiyaasha

Lifaaqa koowaad

Xeer Lr. 37/2007

Markuu arkay:- Qodobka 4aad Faq 1aad, 9aad faq(1) iyo 22aad faq(2) ee Dastuurka Qaranka JSL.

Markuu arkay:- Muhiimada ay Leedahay Diwaan galinta Muwaadinka iyo Diwaan Galinta Cod-bixiyayaasha.

Markuu Dersay :- Soo jeedinta Madax-waynaha ee Wax-ka-Bedelka iyo Kaabista Xeerka Diwaan Galinta Cod-Bixiyayaasha Xeer **Lr.37/2007** kuna taariikhaysan 30/3/2016 tirsigisuna ahaa **JSL/M/SHGW/081-3937/032016**

Markuu Tix galiyay:- Duruufheenna la xidhiidha gedi socodka Dimuqraadiyada iyo suuro galinta in la helo doorasho u dhacda si cadaalad ah.

Markuu Arkay :- Go'aanka ansixinta Xeer **LR: 37/2007** ee Golaha Wakillada u guudbiyeen Golaha Guurtida JSL kuna taariikhaysnaa 18/4/2016

Markuu Arkay :- Go'aanka ansixinta Xeer **LR: 37/2007** ee Golaha Guurtida SL kuna taariikhaysnaa **30/4/2016**

Website: www.somalilandparliament.net



Markuu Arkay :-

In Golaha Guurtidu aanay wax ka bedal iyo kaabis
ku samayn Kuna anxiyeen cod dhan **(45) shan**
iyo afartan mudane Wax ka bedelka iyo kaabista
Xeerka Diwaangalinta codbixiyayaasha ee Xeer **Lr:**
37/2007 kuna anxiyeen sidii Golaha Wakiilada
ugu gudbiyeen.

WUXUU

Golaha Wakiilada JSL halkan ugu soo Gudbinayaa Madaxwaynaha JSL Xeer Lr:
37/2007 Wax-ka-Bedelka iyo Kaabista Xeerka Diwaan Galinta Cod-
Bixiyayaasha Somailand si uu uga guuto waajibaadkiisa Dastuuriga ah.

ALLAA MAHAD LEH

C/risaaq Siciid Ayaanle
Xog.Guud ee G/Wakiilada JSL

Baashe Maxamed Faarax
K/S Guddoomiyaha Golaha wakiilada JSL



**WAXKA BADAL IYO KAABIS LIFAAQ U AH XEERKA DIWAAN GALINTA
CODBIXIYAASHA XEER LR 37 /2007**

Lifaaga 1^{aad}

Wax- ka-badalkan iyo /arma kaabista Xeerka Diwaan Galinta Cosbixiyayaasha
Xeer **LR 37/2007** (ee dib loo habeeyay 2014 kii) waxuu saamayn ku
yeelanaya Qodobka **7^{aad}** Farqadiisa(**2**) iyo Qodobka **26^{aad}** faqradisa (**2**)

Odobka 7^{aad}

**KAYDINTA DIIWAANGALINTA IYO SOO SAARISTA LIISASKA
KAMA DAMBAYSTA AH**

2. Komishankuna waxa xil ka saaran yahay kaydinta, xafidaadda
iyo soo saarida liiska kama dambeysta ah ee diiwaangalinta
cod-bixiyayaasha **6 Bilood** gudahood maalinta doorasho.

Odobka 26^{aad}

HABKA DIIWAANGELINTA CODBIXIYEYAASHA

2. Liiska diiwaanka cod-bixiyayaasha waxa soo saaraya
Komishanka Doorashooyinka Qaranka **Lix bilood (6)** Gudahood
xilliga **doorsho**.

ALLAA MAHAD LEH

C/risaaq Sicid Ayaanle
Xog.Guud ee G/Wakiilada JSL

Baashe Maxamed Faarax
K/S Guddoomiyaha Golaha wakiilada JSL

REPUBLIC OF



SOMALILAND

THE PRESIDENT

JSL/M/WM/240-2867/122014

DATE: 23/12/14

XEER MADAXWEYNE Lr:0413/122014

**Dhaqan-galka Wax-ka-bedelka iyo Kaabista Xeerka
Diiwaangelinta Codbixiyayaasha Xeer Lr. 37/2007**

Madaxweynaha Jamhuuriyadda Somaliland

Markuu Arkay:

Qodobka 90aad Dastuurka
Jamhuuriyadda Somaliland;

Markuu Arkay:

Qodobka 75aad ee Dastuurka
Jamhuuriyadda Somaliland;

Markuu Arkay:

Go'aanka Golaha Wakiillada
Go'aan Lr.GW/G/KF-
27642/2014 ee ku
taariikhaysan 06/12/2014 ee
ay ku ansixiyeen Wax-ka-
bedelka iyo Kaabista Xeerka
Diiwaangelinta
Codbixiyayaasha Xeer Lr.
37/2007

Wuxuu soo saaray

Xeerkana oo lagu baahinayo Dhaqan-galka Wax-ka-
bedelka iyo Kaabista Xeerka Diiwaangelinta
Codbixiyayaasha Xeer Lr. 37/2007.

Allaa Mahad Leh,

Axmed Maxamed Silanyo

Madaxweynaha Jamhuuriyadda Somaliland

The Republic of Somaliland
House of Representatives
Head quarter hargeisa.

Ref: Gwlg1/KF-27/642/2014



Jamhuuriyadda Somaliland
Golaha wakiilada
Xarunta Hargeisa

Date: 06 / 12 / 2014

Go'aanka Ansixinta Wax-ka-bedelka iyo Kaabista
Xeerka Diwaan Gelinta Codbixiyaasha
Xeer Lr.37/2007

Markuu arkay:-

Qodobka 4aad Faq 1aad, 9aad faq(1) iyo
22aad faq(2) ee Dastuurka Qaranka JSL.

Markuu arkay:-

Muhiimada ay Leedahay Diwaan galinta
Muwaadinka iyo Diwaan Galinta Cod-
bixiyayaasha.

**Markuu
ka Dooday:-**

Nuxurka ay Xambarsantahay soo jeedinta
Golaha Wakiladda ee Wax-ka-Bedelka iyo
Kaabista Xeerka Diwaan Galinta
Codbixiyayaasha.

Markuu Dersay:-

Soo jeedinta Wax-ka-Bedelka Iyo Kaabista ee
Xeerka Diwaan Galinta Cod-Bixiyayaasha
Xeer Lr 37.

**Markuu
Tix galiyay:-**

Duruufaha la xidhiidha geedi socodka
Dimuqraadiyada iyo suurto-gelinta in la helo
doorasho u dhacda si caddaalad ah.

**Markuu
Arkay:-**

Go'aanka Ansixinta Xeer Lr 37/2007 ee
Golaha Guurtida kuna taariikhaysnaa
02/12/2014.

Markuu Arkay :-

In Guuritda Wax-ka Bedel Iyo Kaabis Ku sameyeen kuna ansixiyeen Cod dhan (52) Konton iyo laba Wax-ka-Bedelka iyo Kaabista Xeerka Diwaan-Galinta Cod-Bixiyayaasha Xeer **Lr 37 /2007**.

**Markuu
U Codeeyay:-**

Ansixinta Wax-ka-Bedelka iyo Kaabista Xeerka Diwaan-Galinta Cod-Bixiyayaasha Xeer **Lr 37** ee Kal-fadhiiga **26aad** fadhiigii **9aad** taariikhduuna ahayd **06/12/2014** oo ay goob joog ahaayeen **(44)** Mudane oo ka mida ah mudanayaasha Golaha Wakilada.

WUXUU

Cod aqlabiyyad ah afartan iyo laba **(39 cod)** oo gacan taag ah ku ansixiyay Wax-ka-Bedelka iyo Kaabista Xeerka Diwaan-Galinta Cod-Bixiyayaasha (Xeer **No. 37/2007**), halka uu ka diiday **(1)** Mudane, kana aamuseen **(3)** Mudane, **Gudooniyyuhuna muu codayn** sida caadada ah.

ALLAA MAHAD LEH

C/risaaq Siciid Ayaanle
Xoghayaha Guud ee Golaha Wakilada JSL

C/raxmaan Maxamed C/laahi (Cirro)
Gudooniyyaha Golaha Wakilada JSL



JAMHUIRIYADDA SOMALILAND

GOLAHADHADU



Markuu arkay:-

Qodobka 4aad Faq 1aad, 9aad faq (1) iyo 22aad faq(2) ee Dastuurka Qaranka JSL.

Markuu arkay:-

Muhiimada ay Leedahay Diwaan galinta Muwaadinka iyo Diwaan Galinta Cod-bixiyayaasha.

Markuu ka Dooday:-

Nuxurka ay Xambarsantahay soo jeedinta Golaha Xukuumada ee Wax-ka-Bedelka iyo Kaabista Xeerka Diwaan Galinta Codbiyayaasha.

Markuu Dersay:-

Soo jeedinta Wax-ka-Bedelka Iyo Kaabista ee Xeerka Diwaan Galinta Cod-Bixiyayaasha Xeer Lr 37.

Markuu Tix galiiyay:-

Duruufaha la xidhiidha geedi socodka Dimuqraadiyada iyo suuro galinta in la helo doorasho u dhacda si cadaalad ah.

Markuu Arkay:-

Hab-raaca Xeer-dejinta ee
Qoddobada Dastuurka 77/ 78.



**WUXUU WAX-KA-BEDEL IYO KAABIS KU SAMEEYHEY
MASHRUUCA**

**Wax-ka-bedelka iyo Kaabista Xeerka
Diiwaangelinta Codbixiyayaasha Xeer Lr. 37/2007**

**QAYBTA KOOWAAD
MABAADI'DA GUUD**

**Qodobka 1^{aad}
KAABIS IYO WAX KA BEDEL**

Waa kabis iyo wax ka bedel lagu sameeyey xeerka lr 37/2007, xeerka diiwaangelinta codbixiyayaasha.

**Qodobka 2^{aad}
ERAY-BIXINTA**

Erayadan soo socda hadaan Xeerka si kale loogu sheegin waxa looga jeedaa macnaha ku hor

Qoran:-

Muwaaddin:- Waxaa loola jeedaa qof kasta oo buuxiyay shuruudaha uu

tilmaamayo xeerka jinsiyaddu
Xeer Lr. 22/2002.



**Diiwaangelinta
Muwaadinka:-**

Waxaa looga jeedaa
Diiwaangalinta muwaadin
kasta oo reer Somaliland ah
oo ay sameysay Wasaaradda
Arrimaha Gudaha iyo
dawladaha hoose ee
degmooyinka JSL.

Diiwaangelinta codbixiyaha

Waxa loola jeedaa
muwaadiniinta isu
diwaageliya inay
codeeyaan xilliga
doorashooyinka
qaranka JSL

Diiwaanka:-

Waxa loola jeedaa diiwaanka
lagu qoro xogta muwaadiniinta
warqada aqoonsiga iyo
codbixiyaasha ee goob
doorasho kasta.”

Diiwaanka Guud:

Waxa loola jeedaa diiwaanadda
dhexe ee la dhigo xarunta
Wasaarada Arrimaha Gudaha
iyo Komishanka
Doorashooyinka, kuwaas oo

lagu kaydiyo dhammaanba
xogta Muwaadiniita iyo
Codbixiyayaasha



Cod-bixiye:

Waxaa loola jeedaa muwaadin
kasta oo xaq u leh in uu wax
doorto, lana doorto
islamarkaana gaadhay da'da
cod-bixinta.

**Diiwaanka Gobolka
ama Degmada:-**

Waxaa loola jeedaa diiwaanka
heer degmo ama heer gobo lee
warqada aqoonsiga ama
warqadda codaynta.

**Kaadhka
bixinta:-**

Cod- Waxa loola jeedaa kaadhka la
siiyo codbixiyaha marka la
diiwaan-geliyo.

**Kaadhka Aqoonsiga:
-**

Waxaa loola jeedaa kaadhka
aqoonsiga muwaaddinimo
(teesarada)

Komishanka:-

Waxaa loola jeedaa
Komishanka Doorashooyinka
Qaranka


Wakiil Xisbi:

Waxa loola jeedaa xubinta uu
xisbi u soo magacaabo in uu
wakiil uga noqdo goobaha
diiwaan-gelinta

codbixiyayaasha.

Goob-joogayaal:-

Waxa loola jeedaa kormeerayasha caalamiga iyo kuwa maxaliga ah ee hubinaya habsami u socodka doorashooyinka



Dastuur:

Waxa loola jeedaa dastuurka Qaranka Jamhuuriyadda Somaliland

Wasaarad:-

Waxaa looga jeedaa Wasaaradda Arimaha Gudaha JSL

Qodobka 3aad

XADKA ku DHAQANKA

Kaabistan iyo wax ka bedelkan waxaa lagu maamulayaa Diiwaangelinta muwaadinniinta iyo diiwaangelinta codbixiyayaasha ee Qaranka Somaliland oo ay u kala xilsaaran yihiin Wasaaradda Arimaha Gudaha, dawladaha hoose ee degmooyinka iyo Komishanka Doorashooyinka qaranka una kal qabsoomya siday ugu kala horeeyaan qodobkan.

Qodobka 4^{aad}

DIIWAANADA CODBIXIYEYAASHA QARANKA

SOMALILAND



1. Qaranka Somaliland waxa uu yeelanyaad diiwaanka muwaadinka oo lagu qori doono muwaadinka kasta oo u dhashay Somaliland.
2. Qaranka Somaliland Waxa uu yeelan doonaa diiwaanka Codbixiyaha, Diiwaankaasi oo lagu diiwaan-gelin doono muwaaddin kasta oo xaq u leh in uu wax doorto ama la doorto, sida ku cad Dastuurka yo Xeerarka kale ee dalka.
3. Labada diiwaan ee ku xusan faqradaaha 1 iyo 2 waxa ay noqonayaan Dokumenti lagu kaydiyo Qalabka Kombiyuutarka iyo diiwaano oo ka kooban dhammaan xogaha laga qoro muwaaddinka marka loo diiwaan-gelinaayo muwaadin ahaan ama codbixiye ahaan.

Qodobka 5^{aad}

LA HAANSHABA DIIWAANNADA

1. Diiwaannadu waa hanti ummadeed oo uu leeyahay qaranka JSL
2. Diiwaanka Codbixiyayaashana Xisbi kasta oo siyaasadeed waxa uu xaq u leeyahay in uu la socdo habaynta, dhaqan-gelinta, iyo daabacaadda liisaska Diiwaanka.

Qodobka 6aad
DADKA AY REEBAN TAHAY IN LA
DIIWAANGELIYO



1. Dadka ay reeban tahay in loo diiwaan geliyo muwaadin ahaan waxa tilmaamaya xeerka jinsiyadda xeer lr 22/2002
2. Dadka ay reeban tahay in loo diiwaan geliyo codbixiye
 - (b) Muwaadinka aan xiskiisu dhamyn
 - (t) Maxaabiista Xukuman ama gar-sugayaasha ah.
 - (j) Ajnabiga dalka gudihiiisa ku sugaran
 - (X) Qof aan gaadhin da'da diiwaan gelinta (aan qaan gaadh ahayn).

Qodobka 7aad

KAYDINTA DIIWAANGALINTA IYO SOO SAARISTA
LIISASKA KAMA DAMBAYSTA AH

1. Wasaarada Arrimaha Gudaha ayaa ka masuul ah kaydinta, xafidaada iyo soo saarista liiska kama dambeysta ah ee Diiwaangalinta muwaadinka.
2. Komishankuna waxa xil ka saaran yahay kaydinta, xafidaadad iyo soo saarida liiska kama dambeysta ah ee diiwaangalinta codbixiyayaasha 6 bilood ka hor maalinta doorasho kasta.

Qodobka 8aad
DADKA AAN LAHAYN AWOODA SAXEEXA




Foomka Diiwaangelinta muwaadinka, qof aan lahayn awooda saxeexa wuxuu ku saxeexayaan foomka diiwaangelinta suulka gacanta bidix, haddii uu naafoka yahayna wuxuu adeegsanayaa suulka gacanta midig, haddii uu labadaba la'yahay waxa uu adeegsanayaa mid ka mid ah faraha kale ee gacmaha, hadduu tobankaba la'yahayna waxa u saxeexaya mas'uulka diiwaangelinta, waana in arrintaa lagu qoraa foomka diiwaangelinta.

Qodobka 9aad

HABKA XAFIDAADA QALABKA DIIWAANGELINTA

1. Marka ay dhammaato hawl-maalmeedka shaqo ee diiwaangelintu Dhammaan qalabka loo isticmaalay diiwaangelinta waxa lagu celinayaan Xafiiska Degmada, haddii sidaas la yeeli waayana mas'uulka diiwaangelinta ee Degmada waxa xil ka saaran yahay inuu sida ugu dhakhsaha badan ugu war-geliyo booliska, isla markaana uu faro in mas'uulka khaladkaas ku kacay la soo qabto, loona keeno mas'uulka degmadda, haddii uu khaladku yahay mid ku yimi dhayal si ama si niyad xummo ah mas'uulka degmaddu waxa uu isla markaana Shaqada ka saarayaa mas'uulka ku kacay falkaas ama waxa lagu ciqaabaya Xeerka ciqaabta guud, iyada oo loo eegayo xaaladda iyo hadba culayska fal danbiyeedku uu leeyahay.



2. Meelaha ay jirto gaadiid xumo qalabka diiwaangelintu waxa ka mas'uul noqonaya diiwaangeliyaha oo todobaadkiiba hal mar u gudbinayaa diiwaangeliyaha degmadda, hase yeeshie mas'uulka diiwaangeliyaha ah waxa uu xil ka saaran yahay qorista iyo xafidaada diiwaanadda hawl-maalmeedka diiwaangelinta oo dhan.
3. Hawl-maalmeedka goobta diiwaangelinta waxa la bilaabaya lixda subaxnimo, waxayna dhammaanaysaa lixda galabnimo, haddii dib u dhac ku yimaadana waa in lagu caddeeyaa warbixinta sababta keentay dib-u-dhaca, haddii dib u dhacu aanuu garawshiiyo lahayn waa in mas'uulka diiwaangelinta ee degmaddu talaabo ka qaado, sidaasna uu war bixin ugu gudbiyo mas'uuliyiinta ka saraysa, haddii ay gaadho lixda galabnimo oo ay joogaan dad aan la diiwaangelin waxa loo raacaya Xeerka Doorashooyinka, waxaana la diiwaangelinayaad dadkaas ilaa inta ay ka dhammaanayaan dadka markaa joogaa.

Qodobka 10^{aad}

HAB-QORAALKA MAGACA MUWAADINKA

Magaca muwaadinka waa in lagu qoro xuruuf la isla wada sar-gooyey; waana in aanay kala duwanaanin.

Qodobka 11^{aad}
SAXITAANKA XOGAHA KHALDAMA



1. Muwaadinka ku arka liiska diiwaangelinta xog khaldan oo isaga ku saabsan, waa in uu u sheego mas'uulka diiwaangalinta kuna qoro oo saxeexo foomka loogu talo galay arintan. Mas'uulkanina waa inuu sida ugu dhakhsaha badan u sameeyo sixitaan, warbixinna u gudbiyo mas'uulka diiwaanka heer qaran isagoo u sii marinaya mas'uullada heer Degmo iyo Gobol.
2. Marka ay dhammaato muddada loogu talo galay beddelka iyo sixitaanku, mas'uulka diiwaangalinta Qaranku wuxuu xog faahfaahsan ka diyaarinayaa dhammaan wixii is- beddelay, wuxuuna xogtan u gudbinayaa mas'uulka ay khusayso si loo ansixiyo loona ogolaado in isbeddeladan la geliyo Diiwaanka.

Qodobka 12^{aad}
NOOCA WARQADDA AQOONSIGA IYO WARQADDA
CODBIXINTA

Warqadda Aqoonsiga muwaadinka (National ID) ama Warqadda cod-bixintu waa in ay ka samaysan yihiin shay aan si fudud u duugoobayn ama dhammaanayn oo aan waxлага bedelikaraynin ama la-been abuuri kareyn (laf).

Qodobka 13^{aad}

**LUMISTA WARQADDA AQOONSIGA AMA
WARQADDA CODBIXINTA**



1. Qof kasta oo ay ka lunto ama ka xumaato Warqadda Aqoonsiga ama Warqadda cod-bixintu, waxa uu waydiisan karaa mas'uuliyiinta u xilaaran, mas'uuliyiintuna waa in ay siiyan Warqadda Aqoonsiga ama Warqadda cod-bixineed oo cusub, oo sidata xogtii iyo tixraacii hore marka sidaas laga soo codsado, lana caddeeyo sababta lumista.
2. Qofka uu ka xumaadaa waxa uu mutaysanaya in loo bedelo marka uu keeno warqaddii xumaaday.
3. Qof kasta oo hela warqada aqoonisga muwaadinka (ID card) ama warqada codbixinta waa inuu geeyaa meesha ugu dhow Saldhig booliis ama Xarunta Dawlada Hoose.

Qodobka 14^{aad}

**DHAWRISTA XOGTA MUWAADINKA IYO
CODBIXINTA**

Xogta Diiwaannadu waa sir u gaar ah Qaranka iyo qof kasta oo muwaaddin ah oo is-diiwaangeliyey, sidaas daraadeed:-

- 1) Sifo aan Sharciga waafaqsanayn loogama faa'iidaysan karo, looma gudbin karo, loomana beddeli karo.

- 
- 2) Qof kasta oo, sifo aan Sharci ahayn ula baxa, u bixiya ama xada waxa uu mutaysanayaa ciqaab dhan 3 illaa 5 sano oo xadhig ah.
 - 3) Habka dacwada waxa loo raacayaa Xeerka Habka Ciqaabta.
 - 4) Xogta Muwaadinka waxa la siin karaa hay'adaha nabadgalyada, haddii ay lagama maarmaan u tahay amniga iyo nabadgalyada guud ee qaranka iyo muwaadiniinta, waxaana lagu bixin karaa oo kaliya haddii uu sharci sidaas waajibiyo ama amar ay soo saartay Maxkamad awood u lihi.
 - 5) Waxaa reebban in Xogta Muwaadiniinta iyo codbixinta loo gudbiyo dal shisheeye ah.

Qodobka 15^{aad}

QAADASHADA WAX KA BADAN HAL WARQAD
AQOONSI AMA WARQADDA CODAYNTA

1. Waxaa reebban in uu Muwaaddinku qaato wax ka badan hal Warqad Aqoonsi ama Warqad Codbixineed.
2. Haddii uu Muwaaddinku si khiyaamo ah u qaato, wax uga beddeelo, u been abuuro Warqad Aqoonsi ama Warqad Codbixineed iyo wax ka badan waxa uu mutaysanayaa Ciqaabta ku xusan xeerkan.

QAYBTA 2AAD

Qodobka 16aad.

DIIWAANGELINTA MUWAADINNIMADA



Marka diiwaan-gelinta Sugidda muwaadinnimada la sammaynayo waa in la sugo Muwaadinnimada Qofka reer Somaliland ah iyadoo loo raacayo si waafaqsan Xeerka Jinsiyada 22/2002.

Qodobka 17aad

SUGITAANKA MUWAADINKA

Sugitaanka muwaadinka waxaa loo raacaya sidan soo socota:

1. Qofka raba in uu is diiwaan-geliyo waxaa xaqiijinaya Suldaan, Caaqil, xubnaha laba Gole Baarlamaan, golyaasha deegaanka, Gudoomiyayaasha tuuloooyinka (head tuulo), ganacsatada deegaanka, imaamka tuulada waxaana ansixinaya Wakiilka Maxkamadda ka dib markuu sidaa ku dhaariyo xubnaha sare.
2. Marka ay sugnaato Muwaadinnimada qofka is diiwaangelinaya, waxa mas'uulka goobtu xogta muwaadinka gelinaya foomka rasmiga ah ee Diiwangelinta, wuxuuna xaq u yeelanaya warqadda aqoonsiga.

Qodobka 18^{aad}
HAWL-GALKA DIIWAANGELINTA
MUWAADINNIMADA



Bilawga hawl-galka diiwaangelinta Muwaadiniinta waxa sal-dhig u ah qoddobadan soo socda oo ay waajib tahay in la dhammaystiro.

1. Marka diiwaan-gelinta Warqadda Aqoonsiga la sammaynayo waa in la sugo Muwaadinnimada Qofka reer Somaliland.
2. Marka ay sugnaato Muwaadinnimada qofka is diiwaangelinaya, waxa la gelinaya xogtiisa forma-ka rasmiga ah.
3. Waxa isla goobtaasi lagu siinaya qof kasta oo ay sugnaato muwaadinnimadiisu warqad aqoonsi.
4. Qofkasta oo ku guul-daraysta in ay xubnaha ku xusan farqada 1^{aad} ee Qodobka 17^{aad} ka hor-caddeeyaan Muwaadinnimadiisa waxa lagu war-gelinaya in uu keeno qof la yaqaan oo hanti maguurta ah ku leh Deegaanka/Dalka, oo caddeeya in uu yahay muwaadin Reer Somaliland ah, kuna dammiinto hantidiisa.

Qodobka 19^{aad}
NIDAAMKA DIIWAANGELINTA MUWAADINKA

Maalin kasta inta aan la furin goobta diiwaangelinta waxaa mas'uuliyiinta Goobta ku waajib ah:-

- 
1. In ay is-xaadiriyaan, islamarkaana ay saxeexaan qalabka diiwaangelinta iyagoo diiwaangelinaya lambarka tixraaca Foom-ka Diiwaan-gelinta ee ay maalintaa ku shaqaynayaan.
 2. Marka shaqo maalmeedka la soo gebagebeeyo waa in qoraal lagu cadeeyo tirada muwaaddiniinta la diiwaangeliyey maalintaa, isla markaana ay saxeexaan hawl-wadeenaddu.
 3. Inay diiwaan-geliyaan dhacdooyinkii ay la kulmeen maalintaa.
 4. Goobkasta oo codbixineed ayaa noqoneysa goob diiwaangalineed muwaadin.

Qodobka 20^{aad}

DHAQAN-GELINTA DIIWAANGELINTA **MUWAADINNIMADA**

Iyada oo la adeegsanayo dhammaan hababka warbaahinta kala duwan ee ka jira dalka:

1. Waa in la daabaco, islamarkaana la baahiyoo xilliga loo cayimay Diiwaan-gelinta Muwaadinnimada iyo dhammaan wixii xog ah ee ay muwaaddiniintu u baahan yihiin in ay ogadaan.
2. Waxaa waajib ah in la baro islamarkaana lagu wacyi geliyo muwaaddiniinta muhiimadda ay Diiwaangelinta Muwaadinnimadu leedahay

Qodobka 21^{aad}

FOOMKA DIIWAAN-GELINTA MUWAADINNIMADA



Foomka diiwaan-gelinta ayaa sal-dhig u noqonaya diiwaan-gelinta Warqadda Aqoonsiga Muwaadinka, waxaana lagu qorayaa ugu yaraan xogaha hoos ku xusan ee muwaadinka:-

1. Magaca muwaadinka oo afran.
2. Magaca Hooyada oo saddexan.
3. Sanadka uu dhashay iyo meesha uu ku dhashay
4. Lab ama dhedig.
5. (marital status) Xaalada Guur Xaas iyo doob.
6. Saxeexa Muwaadinka ama tilmaan muujinaysa in aanu saxeexi karayn.
7. Lambarka gaarka ah ee lagu diiwaan-geliyay muwaadinka.

Qodobka 22^{aad}

XOGTA LAGU QORAYO WARQADDA AQOONSIGA

Warqadda Aqoonsiga Muwaadinnimada waxa waajib ah in ay ku qornadaan xogtan hoose:-

- 1) Magaca oo afran.
- 2) Taariikda dhalashada.
- 3) Sawirka muwaadinka.
- 4) Lambarka Warqadda aqoonsiga (ID card) .
- 5) Goobta Dhalashada.
- 6) Jinsiga (Lab ama Dhedig).

7) Waxa la kaydinaya

- b) Xogta sawirka indhaha ee muwaadinka
- t) Xogtaha sawirka faraha ee muwaadinka

Qodobka 23^{aad}



SHAQAALAHADIIWAAN-GELINTASUGIDDA
MUWAADINNIMADA

1. Si loo dhaqan-geliyo diiwaan-gelinta muwaadinnimada, Wasaaradda Arimaha Guduuh waa in ay shaqaaleeysiisaa shaqaale khibrad iyo xirfad u leh dhaqan-gelinta diiwaan-gelinta, oo ay ka mid yihii:-

a)Mas'uulka Diiwaanka Qaranka ee Warqadda Aqoonsiga oo mas'uul ka noqon doona maamulka Diiwaanka Warqadda Aqoonsiga, islamarkaana ah madaxa Waaxda Diiwaan-gelinta ee Warqadda Aqoonsiga oo Xarunteedu tahay Wasaaradda Arimaha Gudaha.

b) Mas'uulka Diiwaanka Warqadda Aqoonsiga ee Degmo kasta;

c)Mas'uulka Diiwaanka Warqadda Aqoonsiga ee Gobol kasta.

2. Shaqaalahad loo qaadanaayo xafiisyada kala duwan ee Diiwaan-gelinta warqadda aqoonsiga waa in ay noqdaan dad reer Somaliland ah oo ka madax-bannaan siyaasadda oo lagu soo xushay khibradda iyo aqoonta looga baahan-yahay booska ay ka shaqaynayaan.

3. Inta aan qofka la shaqaalayn, waa in la qeexo:-
- a) Shuruudaha iyo xirfadaha looga baahan yahay qofka loo qaadanaayo booska.
 - b) Habka loo raacayo xulashada Shaqaalaha; iyo
 - c) Waajibaadyada shaqo ee qof kasta (boos kasta) uu ku lahaanayo geeddi-socodka hawsha Diwaan-gelinta.

Qodobka 24^{aad}

DOORKA SHAQO EE WASAARADDA EE DIIWAANGELINTA MUWAADINNIMADA

Wasaaraddu waa in ay;-

- 1. Waa inay sugtaa muwaadnimadiisa qof la siinayo warqadda aqoonsiga (National ID).
- 2. Daabacdaa, habaysaa, dhaqan-gelisaa diiwaanka sugidda muwaadinnimada.
- 3. Wasaaradda Arimaha Guduuh waxay soo saaraysaa Xeer-nidaamiyayaal lagu dhaqangelinayo Diiwaangelinta Muwaadinnimada.

QAYBTA SADEXAAD

Qodobka 25^{aad}

DIIWAAN-GELINTA CODBIXIYEYAASHA

- 1. Qofkasta oo raba in uu isu diiwaangeliyo codbixiye Doorashooyinka Qaranka (Madaxtooyada iyo Baarlamaanka) iyo Dawladaha

Hoose waa in uu sitaa Warqadda Aqoonsiga Muwaadinka.

2. Hadii ay dhacdo in muwaadiniinta qaarkood ay suurto-galin waydo in ay hore u sii qaataan Warqadda aqoonsiga Muwaandinka, waa in Wasaarada Arrimaha Gudahu ku sugtaa Muwaadinnimadooda goobta qaadashada kaadhka codbixiyaha.

Qodobka 26^{aad}

HABKA DIIWAANGELINTA CODBIXIYEYAASHA

1. Doorashooyinka Qaranka waxa ka codayn kara oo keliya qof muwaaddin ah oo ku diiwaangashan Diiwaanka Codbixiyaha.
2. Liiska diiwaanka coodbixiyayaasha waxa soo saaraya Komishanka Doorashooyinka Qaranka Lixbilood (6) ka hor xilliga doorshada.
3. Diwaangalinta codbixiyayaasha laguma xidhi karo lacag lagu bixinaayo ama shuruud kale oo lacageed ama kharash gelinaaya codbixiyaha.
4. Muwaaddin kasta oo iska diiwaangeliya Komishanka Doorashooyinka Qaranka codbixiye si Sharciga waafaqsan waxa la raacaayo Habka Gaarka ah ee Aqoonsiga Codbixiyaha (Unique Biometric Identification) oo ah in sawir la qaado indhaha muwaadinka.

Qodobka 27^{aad}

SHAQADA KOMISHANKA DOORASHOOYINKA **QARANKA**



Iyada oo aan waxba loo dhimayn xilka iyo waajibaadka Komishanka Doorashoooyinka Qaranka ee xeerarka kale u xil-saareen komishanku:-

1. Wuxuu dalka Somaliland ka dhaqan-gelinayaah hawsha diiwaan-gelinta codbixiyeyaasha ka hor taariikhda doorashada.
2. Komishanka Doorashoooyinka Qaranka ayaa ka mas'uul ah habaynta, dhaqan-gelinta iyo daabacaadda diiwaanka codbixiyeyaasha.
3. Komishanka Doorashoooyinka Qaranku wuxuu soo saarayaah Xeer-nidaamiyayaal, Go'aamo, Habraacyo iyo Amarro lagu dhaqangelinayo Diiwaangelinta Codbixiyayaasha

Qodobka 28^{aad}

KU DHAWAAQIDDA DIIWAANGELINTA **CODBIXIYAYAASHA**

1. Madaxweynaha ayaa ku dhawaqaya xiliga la bilaabayo diwaan-gelinta Codbiyayaasha, isaga oo ku soo saaraya Xeer Madaxweyne, ka dib marka uu helo soo-jeedinta Komishanka Doorashoooyinka Qaranka mudo shan iyo tobban maalmood Gudahood oo ka bilaabanta marka uu helo soo-jeedinta.

Qodobka 29^{aad}

DHAQAN-GELINTA DIIWAAN-GELINTA

CODBIXIYAYAASHA



1. Muddada ay Diiwaan-gelinta Codbixiyayaashu soconayso iyo Hab-raacaba (procedure) waxa uu Komishanku Doorashooyinka Qaranku kusoo saarayaa Xeer-hoosaad (Regulations).
2. Komishanku isagoo adeegsanaya dhammaan hababka warbaahinta kala duwan ee ka jira dalka, waa in uu daabaco, islamarakaana baahiyo xilliga loo cayimay Diiwaan-gelinta Codbixiyayaasha iyo dhammaan wixii xog ah ee ay muwaaddiniintu u baahan yihiin in ay ogadaan.
3. Komishanku waxaa ku waajib ah in uu baro, islamarakaana ku wacyi geliyo muwaaddiniinta muhiimadda ay Diiwaangelinta codbixiyayaashu leedahay.
4. Si arrintaa loo suurto-geliyana Komishanku waa in uu diyaariyaa barnaamijyo qayb ka ah geedi-socodka Diiwaan-gelinta oo loogu talogalay in lagu baro laguna wacyi geliyo dadwaynaha in ay isu diyaariyaan diiwaangelinta codbixiyayaasha.

Qodobka 30^{aad}

FOOMKA DIIWAAN-GELINTA CODBIXIYAYAASHA



Foomka diiwaan-gelinta codbixiyayaasha ayaa sal-dhig u noqonaya diiwaan-gelinta codbixiyayaasha, waxaana lagu qorayaa xogaha hoos ku xusan:-

1. Magaca Codbixiyaha oo afran una qoran sida uu ugu qoranyahay Warqadda Aqoonsiga.
2. Sanadka uu dhashay iyo meesha uu ku dhashay
3. Lab ama dhedig
4. Saxeexa codbixiyaha ama tilmaan muujinaysa in aanu codbixiyuhu saxeexi karayn.
5. Lambarka gaarka ah ee lagu diiwaan-geliyay codbixiyaha
6. Lambarka tix-raaca diiwaan-gelinta codbixiyaha
7. Lambarka warqadda Aqoonsiga (ID Card Number)

Qodobka 31^{aad}

XOGTA LAGU QORAYO WARQADDA CODAYNTA

Warqadda cod-bixinta waxa waajib ah in ay ku qornadaan xogtan hoose:-

1. Magaca oo afran.
2. Sawirka cod-bixiyaha
3. Lambarka warqadda aqoonsiga

4. Lambarka Tixraaca Diiwaan-gelinta Cod-bixiyaha.
5. Sanadka uu dhashay.
6. Jinsiga (Lab ama Dhedig).
7. Goobta Doorashada ee uu codbixiyuhu ka dhiibanayo codkiisa.



Qodobka 32^{aad}

SIXITAANKA IYO MURANKA DA'DA

Da, ada muwaadinka waxa lagu jaangoynaya da,ada muwaadinka ee ku qoran warqadda aqoonsiga ee muwaadinka.

Qodobka 33^{aad}

SHAQAALAHADIIWAAN-GELINTA CODBIXIYAYAASHA

1. Si loo dhaqan-geliyo diiwaan-gelinta Codbixiyayaasha, Komishanku waa in ay shaqaaleeyaan shaqaale khibrad iyo xirfad u leh dhaqan-gelinta diiwaan-gelinta, oo ay ka mid yihiin:-

- a) Mas'uuliyiinta Diiwaanka Codbixiyayaasha oo mas'uul ka noqon doona maamulka Diiwaanka, islamarkaana ah madaxa Waaxda Diiwaan-gelinta Warqadda Codbixinta oo Xaruntiisu tahay Komishanka Doorashooyinka Qaranka;
- b) Mas'uulka Diiwaanka codbixiyayaasha ee Goob kasta;



- c) Mas'uulka Diiwaanka codbixiyayaasha ee Degmo kasta.
 - d) Mas'uulka Diiwaanka codbixiyayaasha ee Gobol kasta.
2. Shaqaalah loo qaadanaayo xafiisyada kala duwan ee Diiwaan-gelinta Codbixiyayaashu waa in ay noqdaan dad reer Somaliland ah oo ka madaxbannaan siyaasadda oo lagu soo xushay khibradda iyo aqoonta looga baahan yahay booska uu ka shaqaynaayo.
3. Inta aan qofka la shaqaalayn, waa in la qeexo:-
- a) Shuruudaha iyo xirfadaha looga baahan yahay qofka loo qaadanaayo booska;
 - b) Habka loo raacayo xulashada Shaqaalah; iyo
 - c) Waajibaadyada shaqo ee qof kasta (boos kasta) uu ku lahaanayo geeddi-socodka hawsha Diiwaan-gelinta Codbixiyayaasha.

Qodobka 34aad

HABKA IYO GOOBAHA DIIWAAN-GELINTA CODBIXIYAYAASHA

- 1. Komishanka Doorashooyinka Qaranka ayaa Xeer-hoosaad (Regulations) faah-faahsan ku soo saaraya Habka Diiwaangelinta Codbixiyayaasha iyo Goobaha Diiwaangelinta ee Degmo iyo Gobol.
- 2. Sidoo kale waxa uu Komishanku Xeer-hoosaad kusoo saarayaa in uu Muwaaddinku farsamo ahaan iska diiwaangelin karo goobta ama

Magaalada uu joogo balse uu doorto meesha uu ka codaynaayo.



Qodobka 35^{aad}

WAKIILLADA ASXAABTA QARANKA (GOOB-JOOGAYAAL) EE DIIWAANGELINTA CODBIXIYAH

- 1) Xisbi kasta oo siyaasadeed waxa uu magacaabayaan wakiil uu u soo dirsado goob kasta oo diiwaangelineed.
- 2) Wakiilada Xisbiyadu waxa ay hubinayaan in geeddisocodka diiwaan-gelintu uu waafaqsan yahay sharciga, in aanay dhicin wax kala takoorid ahi, iyo in aan muwaaddin looga reebin diiwaan-gelinta si sharci-darro ah.
- 3) Wakiillada Xisbiyadu way diiwaangelin karaan wixii cabasho ah ee arrimahaas ku saabsan.
- 4) Shuruudaha lagu soo xulaayo iyo goorta lasoo gudbinaayo Wakiillada Axsaabta waxaa Komishanku kusoo sarayaa Xeer-hoosaad (Regulations).

Qodobka 36^{aad}

HAWSHA MAS'UULKA KOMISHANKA DOORASHHOYINKA QARANKA EE GOOBTA DIIWAANGELINTA CODBIXIYAH

1. Mas'uulku waa inuu waydiiyo codbixiyaha in ay rasmi yihiiin xogaha la geliyay foomka muwaadinnimada.



2. Mas'uulku waa inuu xogta sare ku xusan geliyo Foomka diiwaangelinta cod-bixiyana, isla markaana uu u akhriyo cod-bixiyaha.
3. Cod-bixiyuhu waa in uu saxeexo Foomka diiwaangelinta codbixiyaha ama sida kale ee ku xusan Qodobka 8^{aad} ee Xeerkan.

Qodobka 37^{aad}

SOO SAARISTA IYO DAABACAADDA LIISASKA CODBIXIYAYAASHA

Komishanka Doorashooyinka Qaranku, isagoo ku salaynaya liiska magacyada diiwaanka ku jira, waa in uu soo saaro liisas codbixiyayaasha ee lagama-maarmaanka u ah qabsoomidda Doorashada. Si uu u noqdo liis codbixeeneed oo rasmi ah (**official**). Liis kastaa waa inuu yeeshaa shaambadda Komishanka Doorashooyinka Qaranka.

Qodobka 38^{aad}

SOO SAARISTA LIISASKA KAMA DAMBAYSTA AH EE CODBIXIYAYAASHA

1. Marka la diiwaangeliyo dhammaan wixii isbeddel ah, waxaa la diyaarinayaa liiska kama dambaysta ah oo noqonaaya liiska uu Komishanka Doorashooyinku amri doono in laga daabaco dhammaan liisaska loo baahan yahay sida ay waajibinayaan Xeerarku.

- 
2. Komishanka Doorashooyinka Qaranka waxaa ku waajib ah in uu siiyo Wasaaradda Arimaha Gudaha iyo Xisbiyada Siyaasadda liiska codbixiyayaasha ee kama danbaysta ah.

Qodobka 39^{aad}

QAYBINTA WARAAQAHAD COD-BIXINTA

Komishanku waa inuu siiyo Warqadda Cod-bixinta muwaadin kasta oo isdiiwaangaliyay.

CUTUBKA AFRAAD QODOOBBO KALA-DUWAN


Qodobka 40^{aad}

GUDDIGA FARSAMO EE HAWLAHA DIIWAAN- GELINTA

- 1) Si loona diyaariyo arrimaha farsamo ee hawlahaa diiwaangelinta, isku-duwidna loogu sameeyo hawlahaa diiwaangelinta waxa uu komishanku magacaabayaa Guddi Farsamo oo ka kala socda Komishanka Doorashooyinka Heer Qaran, Wasaaradda Arrimaha Gudaha Saddexda Xisbi Qaran.
- 2) Awoodaha iyo waajibaadka Guddida Farsamo waxa uu Komishanka Doorashooyinka Qaranku kusoo saarayaa Xeer-hoosaad (Regulations)

QODDOBKA 41^{aad}

GACAN KA GAYSASHADA ARRIMAHAA NABAD-GELYADA **&WACYI-GELINTA EE HAWSHA DIWAANGELINTA**



Koomishanka Doorashooyinka Qaranka waxa xilliga hawasha diiwaangalinta gacan ka siinaaya dhinaca Nabad-gelyada Ciidanka Booliska JSL iyaga oo u maraya Wasaaradda Arrimaha Gudaha.

Qodobka 42^{aad}

GOOB-JOOGAYAASHA

Goob-joogayaasha ama Kormeerayaasha Caalamiga iyo Kuwa maxaliga ah ee hubinaya habسامي u socodka hawlahaa diwaan-gelinta cod-bixiyayaasha, waxaa wasaaradda Arrimaha Gudaha u soo gudbinaya Komishanka Doorashooyinka Qaranka, si ay go'aan uga gaadho ogolaansha dal ku galka.

Qodobka 43^{aad}

WAAJIBAADKA HAY'ADDAHA SHARCI FULINTA

Xukuumadda, Hay'addaha sharci fulinta, Komishanka Doorashooyinka Qaranka iyo Xisbiyada siyaasiga ahba waxaa xil ka saraan yahay ku dhaqanka iyo meel-marinta Xeerkana.

Qodobka 44^{aad}

CIQAABTA XADGUDUBKA



Qofkasta oo jabiya ama ku xad gudba qodob ama qodobo xeerkan ka mid ah waxaa lagu ciqaab marinayaa:-

1. Qof kasta oo is diiwaangeliya ka badan hal mar ama been ka sheega xogtiisa waxa uu mutaysayanaa ciqaab dhan 3 bilood oo xadhig ah iyo ganaax lacageed oo dhan 1Milyan oo Somaliland Shilin ah.
2. Qof kasta oo isdiiliwaangeliya hal mar wax ka badan, waxa uu waayayaa Xaqa Codbixinta ee doorasho illaa inta diiwaangelinta dambe laga gaadhaayo.
3. Qof kasta oo aan ahayn muwaadin Somalilander ah oo isku daya inuu is diiwaan geliyo wuxuu mutaysanayaa ciqaab dhan 5 bilood oo xadhig ah oo aan iib lahayn, 2milyan oo ganaax lacageed ah iyo dalka oo laga mustaaifiyo marka uu dhameysto mudada xadhiga ah.
4. Mas'uul kasta oo ka shaqeynaya diiwaangalinta kuna xadgudba xeerka wuxuu mutaysanayaa ciqaab dhan 3 illaa 5 sano oo xadhig ah.
5. Qof kasta oo been abuur ku sameeya Kaadhadhka Codbixinta ama Diiwaanka Codbixiyeyaasha

waxaa mutaysanaya cquaab dhan 3 illaa 5 sanno oo xadhig ah.



Qodobka 45^{aad}

SOO SAARIDDA XEER-NIDAAMIYE (POWER TO ISSUE REGULATIONS)

Komishanka Doorashooyinku waxa uu awood u leeyahay in uu soo saaro Xeerhoosaad (Regulations), Xeerka Hab-dhaqanka (Code of Conduct) iyo Awaamiir (Directives) aan ka hor imanayn xeerka.

Qodobka 46^{aad}

DHAQAN-GALKA

Kaabistan iyo wax ka bedelka xeerka lr 37/2007 Xeerka diiwaagelinta codbixiyeyaasha waxa ay dhaqan-galaysaa marka baarlamaanka JSL ansixiyo, Madaxweynuhu saxeexo, faafinta rasmiga ahna lagusoo saaro.

C/risaaq Siciid Ayaanle

Xoghayaha Guud ee Golaha Wakiilada JSL Gudoomiyaha Golaha Wakiilada JSL

C/raxmaan Maxamed C/laahi (Cirro)

